

# GALLICINIUM IMPROBUM IMPROBATUM

S I V E

GERMANUS AD GERMANOS  
IN PRÆSENTEM GALLO-  
RUM PROTERUIAM

AUSUSQUE TEMERARIOS

SYNCERE JUSTUM  
SUUM EXPONIT DOLOREM  
EN QUANTA AUDACIA GALLI!

REX LEO quadrupedum volucrum *Rex armiger Ales*

Ilte regit volucres dirrigit ille feras,

Hos audax fastu vocat in certamina Gallus:

Galle cave! magnis Regibus arma moves,

Nam licet effugias pennâ pernice *Leonem*

Galle, unguis *Aquila* non tamen effugies,

Odrysæ quamvis fubeas duo cornua *Lunæ*

Te *Solis* forti Marte sequetur *Avis*.


Ni solem antevoles (tua quod tibi penna negabit)

Rostro fies *Aquila*, Galle *Platonis homo*.

Si exaltatus fueris ut *Aquila*, & si inter sidera posu-  
eris nidum tuum, inde detraham te dicit

Dominus. *Abdias Proph. c. i.*

LAPIDEM QUEM REPRO-  
BAVERUNT ÆDIFICANTES HIC  
FACTUS EST IN CAPUT ANGULI, Plal. 117.



D Arma ad arma Populares

Hostis vester ante portas est,

Vicini paries ardere incipit, vestra res agitur

Horri - sona Bellonæ tuba, Clangore terrifico

Communis Patriæ jam quassat latera,

Festinate :-- Patriæ auxilium negat,

Qui lentus adfert,

Erigite aures.

Gallus superbe cristam erigit

Alas vibrat, caudam expandit, calcaria acuit.

Cantillat,

Alijs terribiliter, suaviter alijs, perniciose omnibus,

Albæ Gallinæ filius gravidus est

Forfitan Basiliscum excludet

Qui halitu tabifico nos afflabit misseros.

Surgite tandem mortui, venite ad tribunal

Libertati vestræ dies dicitur.

Evigilate

Coronati, Purpurati, togati

Ad ultimum hoc Gallicinium

Lethale & fatale vobis, vestrisque omnibus.

Ubi est

Fortitudo tua Aquila, robur tuum Leo

Et vos

Teutonici Imperij Antistites

Ubi prudentia, perspicacia, & vigilantia vestra.

Proh Deum atque hominum fidem!

Dormitis, tacetis, quiescitis, secura vobis omnia:

Et tamen

Scopum hostis vestri inveterati perspicitis

Prælua Martis adspicitis,

Effecta armorum sentitis.

Quis veteris vestra occupat pectora  
Quænam Erinnyes vestra enervat Consilia?

Num vesana Invidia  
Vel pernitiōsa discordia

Aut terror aliquis panicus  
Aut vero auri sacra fames vos reddit profanos,

Forſam rem acu tetigi,

(Sed date veniam ingenuitati meæ)

Germania enim jam in sæculo vivit aureo

Auro namque vendit omnia

Dignitatem, libertatem, conscientiam

Auri imperio magis quam despotico Subiacet,

Et tamen auro caret ad miseriam usque

Auro vanitates care redimit exoticas

Ultramontanas & ultra Rhenanas maximè

Quo eodem iplo auro postea

Inescatur, excoriatur, enervatur, enecatur miserè.

Eheu nos miseros,

Ad incitas fere res nostras redegit superba vanitas

Ferè splendide mileri

Nuda tergora monstramus Gallis

Nos merito deridentibus

Ludibrio sumus exteris nationibus

Et tamen antiquatis istis novitatum modulis

Renovatisque modulorum antiquitatibus

Quibus nos ver suta divexat Ipoliatúrque Gallia,

Morionũ instar magis magisque delectamur

Nobisque miro modo placemus incauti,

O caram stoliditatem,

O stolidam caritatem

O versipelles rebúsque suis germanicè studentes Gallos

O incautos & res suas gallicè dilapidantes Germanos,

Olim non erat sic.

Hodie, Germanus eadem quã olim Phryx notatur macula,

Olim, Galli ad auditum Germanorum nomen contremiscebant,

Hodie, Germani nomẽ Gallorũ cum tremore adorare velle videntur

Olim, Germania Academia & Palæstra erat heroum  
Hodie, Brabeuterium est vanissimorum capitum  
Vertumnorum & nugatorum Theatrum  
Exploratorum & subfannatorum receptaculum

Ita

Gallorum plena nunc sunt omnia

Eheu nos perditos

Quorum res redacta est,

Olim crescens sæculi malitia crescentem pariebat prudentiam

Hodie, crescens gallorum malitia, crescentem parit Germanorū levitatē

Olim, Germanorum fidelitas dominantibus exteris

Clypeus erat domesticas contra insidias

Nunc, Germana fidelitas in propria sævit viscera

Olim, in proverbium ibat Teutonica constantia

Nunc, Teutonum levitas ludibrio est

Ipsi levitati & inconstantia.

Olim

Orbis imitari conabatur gravitatem Teutonicam

Nunc

Teutones gaudent simiarum videri simia

Histrionum ludibria!

Quid Galli in Germania?

Illi ferè omnes

Linguae notitiam, morumque veneres Se prætendunt quærere.

Peccandi licentiam intendunt carnisque veneres

Corruptellas inveniunt, occasiones arripiunt:

Quotus quæso popularium ex Gallia redux melior,

Verones eunt Placentini redeunt,

Josephi eunt Ablolones redeunt,

Cræsi eunt Iri redeunt,

Theophili eunt Alastores redeunt

Philosophi eunt Morosophi redeunt,

Et ferè tandem

Pecuniam, Sanitatem, scientiam, modestiam,

Castitatem, Numinis reverentiam, integritatem

Perdita plorant omnia

Paucos excipe  
Quibus de meliore luto finxit præcordia Titan,  
Galli verò

Non ardorem mores nostros addiscendi  
Sed studia ære nostro ditescendi, afferunt,  
Non meliores nos, sed vaniores reddere satagunt,  
Aulis, exercitiis, officinis, Theatris,  
Specioso sese obtrudunt nomine  
Ut secreta nostra explorent  
Simplicitatem nostram traducant

Et argento probè emunctos varijs inquinant vanitatibus  
Reddantque voluptatibus effæminatissimos,  
Nil præferentes nisi lepores, elegantias, civilitatesque  
Sed latet anguis in herba,  
Philistæi post Te, Samson cave.

Si non vis falli, fugias consortia Galli,  
Ploranda est Patriæ cœcitas

Viperas & bufones in sinu nutrientis  
Videmus, ast ridemus, non lugemus  
Rimamur, miramur, non contristamur.

Honore & laude beamus argutarum Archidectos  
Suspiciamus gesticationum puerilium magistrillos,  
Vanitatum Professores,

Pudicorum seductores, castarum corruptores  
Mille & mille artibus instructissimos

Ad propugnandam & colorandam artem meretriciam,  
Ita

Perversam simplicitatem nostram  
Vel simavis

Simplicem perversitatem nostram.

Vitium salit virtutis specie

Excipe paucos, videbis,

Reliquos omnes deteriores fieri Gallorum consortio

Inscientibus nœvos suos affricant,

Imprudentibus retia expandunt.

Nil tale cogitantes inquinant

Ita in obscuro serpit Gallicum contagium,

Ast:

In fine videbis cuius toni,

Medicina morum quod nobis videbatur antea

Mox in animæ videtur degenerare toxicum

Rerum adsunt testimonia

Quid ergo verbis opus est?

Sed surdis narratur fabula

Germani sumus

Id est; boni homunciones.

Visnè gallicè?

Simplicitate insignes, illustres imprudentia

Imitatores quidem venustatis Gallicæ

Sed ridiculi, & in felices,

Benè me Jupiter

Sumus quod volumus

Simus ergo quod nolumus,

Quod possumus nolumus, quod nolumus non possumus.

Sempèrne tales erimus?

ò noxam constantiam

Itanè

Semper nos reget opinio nunquam ratio

Semper maledictæ consuetudinis Tyrannidi manebimus mancipia

Semper nos naso adunco suspendent Phileutia?

Sed manum de tabula

Dicam quod res est

Nec politicè meherclè sapimus ampliùs

Nec Juridicè, nec Theologicæ, nec Medicè,

Patria spernimus omnia

Reginem Patriam, leges Patrias, Disciplinam Patriam,

Mores Patrios, Escam Patriam, Dicetam Patriam,

Linguam patriam, vestes patrias,

Gallica suspicimus omnia,

Gravitatem postponimus levitati gallicæ, sinceritatem fucò.

Fortitudinem mollitiei, candorem fallacijs

Stolida nobis Teutonica videntur & insipida

Salsæ magis arident nugæ ineptiæque Gallicæ.

Dubitatis?

An non pretia statuimus rebus, non ex eo quod valent,

Sed quod Gallicæ sunt.

Hoc placet quia gallicum est,

Atque hoc fatis est.

Verùm

Quid aliud si non hoc delirare est?

Ebrum eheu adoramus Baal gallicum.

Ex amne gallico bibimus immodicè.

Hinc morbo infecti plus quam gallico

Chirurgo tandem cedemus in vindictam.

Germanorum hoc loquor amore

Non Gallorum odio,

Quamvis

Gentem superbè gentes meliores despicientem,

Gentem libertati bonisque nostris inhiantem,

Gentem difidijs, ruinis, fraudibus, exteras gentes turbantem,

Gentem jura gentium toties violantem

Gentili more odisse

Vix peccatum judicabunt Politici,

Suadebunt Jurisperiti, Ignoscent Theologi.

Dubitatis?

Causam vesperarum secularum hic non repeto,

Vesperas Bartholomæas non ad mentem revoco

Eufas olim Aquilæ plumas

Desolatas Imperij provincias,

Subactam multorum libertatem

Vix amplius doleo

Invenerunt olim multi quod quæ siverunt,

Ad nupera primò oculos convertite.

Sarmatia

Nonnè callidæ mulieris Gallicæ avaritia

Obstetricantibus Gallicis factiosis emissarijs

Turbis quassata difidijs convulsa ad sacum peramque reducta.

Jam sed serò

Patientiam suam execratur stolidam  
Gazophylacium spoliatum, exhaustum ærarium dolet,  
Et vindictam minatur  
Sed ridiculè

Cum vix ossibus suis cohæreat  
Sine medula Skeleton, & Barbarorum recens ludibrium;  
Pannonia quid?

Fœtidum quod Gallus in lupara ovum posuit  
Exclusum scelestè ad ripas Danubij  
Horribiles produxit dracones  
Qui virulento intuitu, halitùque suo  
Totam hanc in lethalem conjecerunt rebellionis tabem.  
Et purulentam ei affricarunt perduellionis scabiem  
Unde grassari cernebamus mortis martisque rabiem,

Anglos nuper  
Quid bello commisit atque Batauos  
Nonnè politica illa statistarum Diabolica  
Mel in ore, fel in corde  
Laudem in pactis, fraudem in factis  
Utrique parti offerens tectis callidisque consilijs:

Candiam  
Orbis Christiani olim propugnaculum  
Quid perdidit nisi efferata discordia?  
Cum hoste Dei, Ecclesiæ, Imperij colludentium.

In propatulo est cordatis  
Quid facturus fuisset alter Dux Gallicus  
Pen-ultimo Bello Hungarico  
Si non latuisset alterum

Permiciosa Exercitui Christiano voluntas Regia,  
Quis Contra Genoveses armavit Martem Gallicum,  
Quem nuper per Neptuni Regnum expedivit?  
Alto silentio improvisos obruit  
Urbem & incolas inaudita barbarie oppressit,  
Ferro & igne devastavit cuncta,  
Gazas oppulentissimorum Civium subduxit,  
Supplices ad devotionem cœgit,

Quid



Quid demum?

Suæ adhuc calamitatis Carnifices, Prædones, Sicarios  
Stipendiarios facere compulsi,

Ipsi Cives, Gallia ipsa Tyrannidis hujus ignorat causam,  
Machiavellus eam prompte oggerit,

Utique

Si violandum est Jus

Regni causa violandum est.

Scilicet

Non pietas hodiè regna firmat sed statûs ratio  
Cathedras ista defendat, hæc thronos protegat,

Togatis illa, hæc sagatis decori est.

Iustum sit & pium quod utile

Speciosi inveniuntur prætextus & colores

Quam diu hastæ plumæque non de erunt:

Mustapha Ferraga

Legatus Portæ Ottomanicæ

Quæ vobis nuper inculcavit axiomata

Christianissimi?

Quæ hodie Murocordatus?

Eadem forsam quæ olim tenuit Franciscus Liliger

Sed vah quanta cum jactura honoris & fortunæ

Turcæ contra Christianos læderatus

Turcâ a Christianis non melior habitus

Publica Imperij lege damnatus

Christianæ Reipub. hostis declaratus

Quando inviolabile Sacramentum

Hostis cum hoste fidei contra fideles iniit

Omni peste deterior.

Cavete

Nè & idem vobis obtigat si perfidi estis,

Inter Christianos fidem perdidistis

Videte

Ut Turcise eam servetis

Sed ut & illi vobis

Nevè in fossam alijs factam ipsi incidatis

Sæpè in authorem scelera redeunt suum  
 Gentibus omnibus  
 Sanctissima semper fuit juramenti Religio  
 Jurata servare regiùm imò humanum est.  
 Cum igitur  
 Pacem Hispano tam Sanctè juratam violastis,  
 Sine ullo juris fundamento sola habendi libidine;  
 Lotharingæ Regulum  
 Tum quiete viventem, nihil tale cogitantem  
 In media pace spoliastis, exturbastis,  
 Jugo intolerabili populum onerastis  
 Et, ò dignum facinus!  
 Subditos fideliter Dominum defendentes  
 Tractavistis  
 Non hostium instar sed instar latronum & Rebellium  
 Vinculis eos punientes, furcâ ac fustibus  
 Ad metalla damnatos atque triremes  
 Quæ barbara unquam furia talem exercuit rabiem?  
 Ruptam novissime Imperij fidem  
 Novas colonias in Colonizæ sinum Gallus infert  
 Cujus Purpura prætextum dedit Patriæ  
 Ad quam suum Germanum Purpuratum Patrem  
 Per fas & nefas evehere nititur.  
 Contra torrentem reluctantium membrorum caput statuere  
 Quis hic eligendi modus? quæ statuendi potestas?  
 An armis arbitrium tolere licet  
 Cuius & natura libertatem donavit?  
 Romanæ Apostolicæ sedis Authoritas  
 Benè Acta Colonizæ probat, tuetur Imperium,  
 Universum Gallicam proterviam reprobat!  
 Turbare Imperium, violare Jura, de populari Urbes  
 Incinerari Castra, prædari oppida  
 Hæc ne sunt fœderis non violati specimina  
 Quod se servare contendit?  
 Pax Pax acclamatur undique, & non est Pax.  
 Mille & mille illatis hostilitatibus quis pacem dicet Imperio?

Nòn

Non omne quod splendet aurum est  
Fucatum habet religionis & Juris speciem eminendi libido  
Ambitiosus genius

Quod moderatione obtinere non potest  
Violentia tentat,

Imperij pomum est

Quod in Invictissimi LEOPOLDI Refuget manibus,

Quod festucam imò trabem ad cœcitatem usque

In Gallorum oculos injicit,

Hoc extutere meta hostilium armorum est,

Sane

Violatum hinc jus gentium

Vindictam Dei hominùmque implorat omnium.

Cœli

Quænam vobis restat reverentia.

Pyramis in Pontificis opprobrium erecta loquitur,

Itanè illum quem Dei Vicarium dicitis tractari convenit?

Loquitur

Sacramenti conjugalis spurcissima violatio publica,

Datumque myriadibus animarum perniciosum scandalum.

Factum fastuola testantur Symbola,

Turca contentus Luna

Ipsi solem sibi appropriant

Soli cunctis lucere, soli præesse mundo cupiunt

Pluribus se non impares jactant

Cur non omnibus?

Nec cessare, nec errare se solis instar posse gloriantur,

Sed quid

Si Josua aliquis hunc solem sisteret?

Quid si luna eum deformaret in conjunctione ecliptica.

Jovis & aliorum Deorum tituli

Superbis olim adscripti imperantibus

Certa instantis exitij erant indicia.

Cogitate hæc Galli

Exhorrelcite, detestamini, convertimini :

Sed surdo narratur fabula

Sit ita  
Quod vultis videri, sitis  
Res hinc nostra non agitur.  
Nos  
Patriam nostram salvam esse optamus  
Vos autem  
Libertati bonisque nostris insidias struentes  
Vos  
Vicinos invidos, confœderatos infidos,  
Amicos perfidos, fratres degeneres,  
Tranquillitatis publicæ perturbatores,  
Imperatoris Majestatis infidiatores,  
Austriacæ felicitatis osores,  
Germanæ fidelitatis corruptores,  
Justo persequimur odio  
Et indignos Germano nomine  
Indignos communis Patriæ tutamine  
Judicamus omnes  
Qui hæc vestra norunt facinora & comprobant.  
Exurge Deus  
Deus juste, Deus ultor, Deus Zelotes,  
Sceptraque tua ferrea  
Ferreis monstra pectoribus, monstrosisque Cyclopedibus,  
Sacratissimam Imperatoris nostri Majestatem  
Contra tot horrenda hostium conamina  
Juste & fortiter asseruisti hactenus,  
Protege & imposterum Unctum Tuum Domine.  
Exurge Princeps  
Ut æquissimè ita potentissime  
Et tot tantisque injurias Domui Tuæ illatas  
Juste & fortiter vindica  
Imperium Cœlitus tibi concreditum  
Provincias naturâ tibi subditas  
Animosè contra expilatores defende.  
Jova protector tuus est  
Venenata & truculenta Rebellium consilia

Tua

Tua  
Heros Potentissime Sancta Innocentia  
Enervavit & enervabit impostherum  
Hostium Inveteratorum  
Augustissimæ stirpis Habsburgensis  
Turcæ & Galli  
Publica secretaque molimina  
Tua

LEOPOLDE Augustissime, Inclyte  
Enervat pietas, fortitudo, prudentia.

LEOPOLDUS

Hinc

Pello duos

Omen in nomine

Cui robur addat altissimus.

Exurgite Exurgite

Germaniæ Antistites, Septemviri potentes

Pro quorum uno hæc tempestates exortæ

Iu cuius perturbatoris caput imminent pericula

Non secus ut vidistis in Thraciam conspirasse.

Exurgite

Duces validissimi, satrapæ fortissimi Civitates opulentissimæ,

Ponderate,

Sed sine præjudicijs

Præterita, præsentia, futura.

omnia ferè

Flebilia, periculosa, horribilia,

Perpendite

Non fortitudine Gallorum ac prudentia

Sed nostra nos perire avaritia ac discordiâ,

Cogitate

Tela prævisa minus nocere

Pecuniam rerum gerendarum, nervum esse

Sine hoc nervo elumbem fore omnem Gallorum astutiam,

Trutinate

Sed ut Germanos decet

D

Riche-

Richeliana, Sulliana, Mazeriniana, Colbertina,  
Auberiana, Balzaciana, Bonairiana, Vidamiana.

Aliorum publici Juris facta Consilia

Exploratorum in Aulis vestris residentium

Varijs machinationibus vobis insidiantium.

Observate verba, actiones, intentiones

Indubitatum vobis esto principium

Pace carituram & quiete Germaniam

Quandiu Gallus & Turca Florebunt.

Originis vestrae

Dignitatis vestrae, Libertatis vestrae

Memores estote.

Cæsar

Regum & Leonum Imperator audit

Gallus

Servorum & Asinorum

In servitute gloriam

In absoluta potestate Dominantis, libertatem ponentium

Dicite

Utrum fortibus ac cordatis viris decor sit

Veneris mancipij mancipia fieri.

Utrum

Aquilæ Regiæ, an Gallo Asinine parere.

ò populares

Revocate antiquam concordiam, miseremini miseræ publicæ

Miseremini mox agonizantis Patriæ, miseremini conscientiarum vestrarum

Miseremini libertatis vestrae.

Salus Populi, securitas Imperij

Suprema lex esto

Maledictus sit quisquis opus Domini, Imperij negligenter facit,

Qui privatum commodum bono populi sibi commissi per avaritiam præfert

Anathema esto.

Qui privato inductus odio vicinum oppressum deserit

Hostisque hoc modo auget potentiam

Anathema esto.

Qui litem ex lite trahens varijs dubijs

Et

Et perpetuis deliberandis concordiam statuum rumpit

Anathema esto.

Qui summo capiti in justis & æquis parere obstinate reculat,

Anathema esto.

Qui aureum statistarum vitulum postposito Deo & Republica

Irreligiøsè adorare pergit

Anathema esto.

Qui tranquillitatis Christianos

Inter conservandæ gratia icta

Fœdera rumpere satagit

Anathema esto.

Breviter

Qui ita Deo placere studet ut non offendat Diabolum

Anathema esto.

Hiscè valete Populares

Et si veri Germani estis

Applaudite

Sicquè

QVI sqVI In AVstrlaCos, genVIno fertVr  
LVDat In IIs. (aMore

Quæ

Pro Austriacæ Aquilæ tranquillitate

Augurabundus præcinebat

Genius Austriophili Gladiati.

*Georgius Andreas Gladiati*

Et perpetuis delibetandis concordiam lacuum rumpit

Anthemias esto.

Qui summo capiti in iuris & aequis parte obstat recusat

Anthemias esto.

Qui sacrum sacrarium vitulum postposito Deo & Republica

In religiose adorate pergit

Anthemias esto.

Qui tranquillitate Christianos

Intra concilianda gratia

Foderat, tempore satagit

Anthemias esto.

Breviter

Quia Deo placere studet et non offendat Diabolum

Anthemias esto.

Hic valeat Populares

Et si ven Germani esse

Appellandis

Stipus

QVSPVS IN AVSTRIA COS GENVINO TERRI

LVDAT IN HA

Aquila Regie, an Gabe, imine patere,

carlino p

Quis

Pro Austriae Aquile tranquillitate

Augustinus prescribat

propria, amant, hupof, talis

official amant

Genius Austriae Gloriam

quibus in honore manent, non in honore ostentant

in honore manent, non in honore ostentant

omni amant

quibus in honore manent, non in honore ostentant